



Begarako
Udala

Begarako XAXAU Konpartsa eta Bergarako Udalaren arteko hitzarmena, 2021ean Bergarako Pentekoste jaiei dagozkien datetan hainbat kultura ekitaldi kudeatzeko betebeharrak jasotzen dituen

Begarari bi mila eta hogeita bateko maiatzaren hamaikan

BILDURIK

Alde batetik, Gorka Artola Alberdi jauna, Bergarako Udaleko Alkate-Lehendakaria, Bergarako San Martin Plaza 1-ean egoitza izan eta P-2007900-J I.F.K eta erakunde horren ordezkaria dena, M^a Concepción Ugalde Izeta Udaleko idazkariaren laguntzarekin.

Bestetik, Iosu Agirre Gurrutxaga, XAXAU Konpartsa z/ g z/b z/b zenbakia duena, G-75084921 IFK izan eta Errotalde jauregia z/g – 20570 Bergara (Gipuzkoa) egoitza duen XAXAU KONPARTSAREN ordezkaria dena.

ADIERAZI DUTE

1. XAXAU KONPARTSAK 2021ean Bergarako Pentekoste jaiei dagozkien datetarako hainbat kultura ekitaldi antolatzeko proposamena egin diola Bergarako Udalari, ikusirik gaur egun bizi dugun osasun egoera dela-eta ohiko jairik ezingo dela ospatu.
2. Hori dela-eta proposamen bat luzatu dio Udalari eta ados egonez gero egitarau hori aurrera eramateko Udalari laguntza eskatu dio.
3. Bergarako Udalak positiboki baloratzen du egitarau hori, eta Udalak egin behar izango lukeen antolaketa XAXAU Konpartsak planteatu duenarekin ordezkatzeko aukera ikusi du.
4. Alkateak, dekretuz, 2021eko maiatzaren 10ean erabaki duela, 5.442,5€-ko diru laguntza ematea, eta bi aldeek betebeharrak hitzarmen batean jasotzea.

Beraz, honako hitzarmen hau egitea erabaki dute, ondorengoak izanik

KLAUSULAK

Lehen.- XAXAU Konpartsak 2021eko maiatzaren 21etik 24rako egitaraua aurkeztu dio Bergarako Udalari, eta egitarau hori aurrera eramateko konpromisoa hartzen du.

EGUNA	ORDUA	EKITALDIA	TOKIA
MAIATZAK 21 OSTIRALA	19:00	Antton Telleriaren bakarrizketa	Seminarixoa

MAIATZAK 22 LARUNBATA	12:00	Bertso-saioa	Usondo parkean (euriarekin Seminarixoa)
	19:00	Sua taldearen kontzertua	Seminarixoa
MAIATZAK 23 IGANDEA	19:00	Korto lehiaketako gala (streaming bidez emitituko da)	Seminarixoa
MAIATZAK 24 ASTELEHENA	11:00 eta 15:30	Hondarrarekin eskulturak	Usondo parkean (euriarekin Boluko frontoian)

Bigarrena.- Bergarako Udalak goian zehaztutako ekitaldiak aurrera eramateko ondorengo betebeharrak hartuko ditu bere gain:

- BRIGADA:

- a) Maiatzaren 21ean, ostirala, arratsaldean 15:00 – 19:00 orduetara, atzealdea libre duen furgoneta uztea Xaxau konpartsakoei.
- b) Maiatzaren 21ean, ostirala, Usondo parkean, 5x4 metroko eszenatokia muntatzea, atzean RSound-ek teloa jartzeko tokia utzita.
 - Maiatzaren 22rako eta 24rako kulturako langileen esku uztea lorazaintzako furgoneta arranpaduna.
 - Maiatzaren 23an udaletxeko arranpadun furgoneta Xaxaukoei uztea goizean 11:00 – 14:00 eta arratsaldean berriro, Seminarixoa aretoko eszenatokia apaintzeko materialaren garraiorako.
 - Maiatzaren 26an, asteazkena, Usondo parkean jarritako eszenatokia jaso.
 - Maiatzaren 22ko emanaldirako generadorea alokatzea.

- KULTURA LANGILEAK:

- a) Maiatzak 22, larunbata: Furgonetan aulkiak kargatu eta Usondora eraman. Xaxaukoen esku jarri.
- b) Ekitaldiaren ondoren, aulkiak furgonetara kargatu eta bere tokian deskargatu.
- c) Seminarixoa izango diren ekitaldietarako baliabide teknikoak eta pertsonala jartzea.
- d) Ekitaldiak sortu www.seminarixoa.eus helbidean eta jendearen eskura ipini, ekitaldietara joan nahi duenak sarrerak har ditzan, nahiz eta dohainekoak izan.
 - Sarrerak eskuragarri:
 - Maiatzaren 13an, osteguna, 18:00etan hasita www.seminarixoa.eus helbidean eta takillan.
 - Maiatzaren 24ko hondarrezko eskulturen saiorako izena-emateko: google form-en 4 saio 25eko aforoarekin saio bakoitzean Udaleko web-gunean + Xaxauko sare sozialetan.
 - Korto lehiaketako sarrerak: maiatzaren 18an, 18:00etan.



**Begarako
Udala**

- Ekitaldietako sarrerak Seminarixoko aretoko aforoarekin jarriko dira salgai. Eguraldi iragarpenak maiatzaren 22rako euririk ez badu ematen, beste 28 sarrera jarriko dira eskuragarri (Usondo parkeko aforoa 155ekoa da) eta horren berri Udalak eta Xaxauk emango dute prentsa eta sare sozialen bidez.
 - Maiatzaren 22ko bertso-saiorako: Argindarra: 5 Kw.
 - Konexioa: 10:30.
 - Deskonexioa: 14:30
- SGAEkin dauden betebeharrak kudeatzea, eta ordainketarik balego, ordaintzea.

Hirugarrena.- Xaxau Konpartsak ondorengo betebeharrak hartuko ditu bere gain aipatutako ekitaldiak aurrera eramateko:

a) Usondo parkeko emanaldian:

- Aforoa kontrolatzea sarreren bitartez.
- Covid-aren kontingentzia planetan aurreikusitakoa betearazi (gel hidroalkoholikoa sarreran, jendearen arteko distantzia ikuskizunean, musukoaren erabileraren zaintza...)
- Aulkiak zabaldu eta muntatu, Kulturako langileek pasatutako planoaren arabera. Ekitaldia bukatzen denean, aulkiak karroetara jaso.

b) Bergarako Udala jakinaren ganean jartzea baldin eta Udalak diru-laguntza egiten duen jarduerarentzat beste laguntzarik edo ekarpenik lortuz gero, betiere, azken zatia ordaindu baino lehen.

c) Sare sozialen bidez ekitaldien zabalpena egitean antolatzaileek ez dute pertsona/talderik irainduko duen kartelik/irudirik jarriko, ezta bestelako adierazpen iraingarririk egingo ere.

Era berean, ez da irudi/esaldi matxistarik duen kartelik jarriko edo beste adierazpenik egingo.

Ekitaldien zabalpena egitean Udalerriko hizkuntzaren erabilera irizpideak jarraituko dira, eta euskarak derrigorrezko presentzia nabarmena izan beharko du eta nabarmen lehenetsiko da gainerako hizkuntzen aurrean.

d) Gutxienez lau urtez gordetzea jasotako diruari eman zaion erabilera agertzen duten agiri originalak. Epe horretan, Bergarako Udalak horrela erabakiz gero, dokumentu horiek aztertu ahal izango ditu.

e) Hitzarmen honetan espresuki jasotzen ez diren betebeharrak denak XAXAU konpartsak bere gain hartuko ditu

Laugarrena.- Bergarako Udalak lehenengo puntuan aipatutako egitaraua burutzeko 5.442,5€-ko diru-laguntza ere emateko konpromisoa hartzen du.

1. Diru-laguntzaren 1. zatia (3.265,5€, diru-laguntzaren %60a) ordainduko da bi aldeek hitzarmen hau sinatu ondoren.
2. Bigarren zatia, (2.177€, %40), jasotzeko ondorengo dokumentuak aurkeztu beharko ditu XAXAU Konpartsak:

- Emaizta ekonomikoaren memoria, hau da, zerrenda sailkatu bat, jardueraren gastuak eta inbertsioak jaso eta bertan zehaztu beharko dira hartzekodunaren eta dokumentuaren identifikazioa, zenbatekoa, jaulkipen-data eta, horrelakorik balego, ordainketa-data; eta bertan, era berean, zehaztu egin beharko dira diruz lagundu den jarduera hori finantzatzeko izan dituzten beste diru-sarrera edo diru-laguntzak, adierazita bakoitza zenbatekoa izan den eta nondik etorri den. Memoria erreala dela adierazten duen zinpeko aitortpena gehituko zaio, elkarteko ordezkariak sinatuta.
- Faktura, agiri edo errezioben kopiak eta horien ordainketa agirienak ere bai.
- Jasotako beste diru-laguntzen agiriak edo, diru-laguntzarik jaso ez bada, zinpeko aitortpena.
- Programatutako jardueren dokumentazio grafikoa (kartelak, liburuxkak, prentsa oharrak, etab.).

Bostgarrena.- XAXAU Konpartsak egitarauaren gainean egindako publizitatean (kartelak, esku programak...) Bergarako Udalaren laguntza duela adierazi beharko du, tamaina ikusgarri batetan, XAXAU logoaren alboan eta adierazita laguntzailea dela. Betebehar hau ez bada betetzen, 4. puntuan jasotako diru-laguntza automatikoki %5ean murriztuta geratuko da.

Seigarrena.- Bergarako Udalak XAXAU Konpartsari emango dion 5.442,5€ diru-laguntza horren barne daude egitaraua aurrera eramateko beharrezkoak diren gastu guztiak, besteak beste ondorengoak:

- XAXAU Konpartsak ekitaldi hauetarako kontratatu dezakeen pertsonal teknikoaren lansariak, gizarte segurantzako gastuak, eta baita horien dietak eta alojamendu gastuak ere, horrelakorik egonez gero.
- Ikuskizunerako beharrezko diren pertsonalaren eta materialen garraio gastuak.
- Ikuskizunak aurrera eramateko beharrezko diren elementu guztiak.
- Ikuskizunak aurrera eramateko beharrezko diren erantzukizun zibileko polizak, gutxienez 240.404,94€ topearekin.
- Ikuskizun horiek kontratatu eta aurrera eramateak eragindako gastu eta koste guztiak.
- Sortu daitezkeen beste hainbat gestio edo gastu.

Zazpigarrena.- Maiatzaren 24tik kontatzen hasita, gehienez ere bi hilabeteko epean, lagundutako jardueren balorazioa eta laugarren puntuan jasotako dokumentazioa aurkeztu beharko ditu XAXAU Konpartsak.

Txosten ekonomikoan justifikatutako gastua emandako diru ekarpena baino txikiagoa balitz, Udalak zati bat itzultzea eskatu ahal izango dio. Txosten ekonomiko horretan XAXAU Konpartsak egitarau honetarako izandako bestelako diru-sarrerak ere agertu beharko dira. Beraz, baliabide propioekin lortutako diruarekin eta Udalak edota beste entitate batzuk emandako diru-ekarpenarekin XAXAU Konpartsak gastua baino diru sarrera handiagoa lortuko balu Udalak eskubidea izango du era berean diru-ekarpen osoa edo zati bat itzultzea eskatzeko, edo diru-ekarpenaren bigarren zatia eman gabe utzi edo partzialki emateko. Dena dela, gastua aurrekontuan jasotakoa baino handiagoa izan bada, Udalak ez du diru-ekarpen berririk egingo. Udalak XAXAU Konpartsari egindako diru-ekarpen osoa edo zati bat itzuli beharra dagoela erabakiko balu, diru kopuru hori zuzenbide publikoko sarreratzat hartuko da.



Bergarako
Udala

Zortzigarrena.- Udalak egingo duen diru-ekarpenaz gain, helburu bera duen beste edozein diru-laguntza ere jaso daiteke, Udalari aurkeztuko zaion txosten ekonomikoan sarreretan azaldu beharko da.

Hala eta guztiz ere, diru-ekarpenak (Udalarenak berak edo beste batzuenak batuta) eta/edo bestelako sarrerak batuta ezingo du inola ere altuagoa izan.

Bederatzigarrena.- Diru-ekarpena egiteko kontuan hartu diren baldintzetakoren bat aldatuko balitz, edo Udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

Hamargarrena.- Diru-ekarpena berrikusi egingo da eta, egoki bada, kendu, baldin eta hauetakoren bat gertatzen bada:

- a) Diru-ekarpenak bete beharreko baldintzak bete gabe gelditzea.
- b) Diru-ekarpena erabiltzea lortu beharreko helburua ez den beste helburu baterako.

Hamaikagarrena. - Kontratu honetan aurreikusita ez dagoen guztia, diru-ekarpenak arautzen dituen 38/2003 Estatuko Legea, azaroaren 17koa, lege hori garatzen duen 887/2006 Errege Dekretua, uztailaren 21ekoa eta Bergarako aurrekontuetako udal araua aplikatuko dira.

Hamahirugarrena.- XAXAU konpartsak hitzarmen honen garapenerako antolatutako edo egindakoetan kalteen erantzule XAXAU konpartsa bera izango da eta Bergarako Udala kanpo gelditzen dela aitortzen dute bi aldeek.

Hamalagarrena.- Alde bietako batek honako hitzarmen honetan harturiko betebeharretako edozein beteko ez balu, beste aldeak hautsi ahal izango luke, eta kalte-ordainak eskatu.

Eta adostasun froga gisa, bi aldeek dokumentu hau sinatzen dute goian aipatutako egun eta lekuan nik, idazkariak, guztia egiaztatzen dudalarik.

IDAZKARIA
M^a Concepción Ugalde Izeta

BERGARAKO ALKATEA
Gorka Artola Alberdi

XAXAU Konpartsa
Iosu Agirre Gurrutxaga

